



Zoranu Mamiću određene mjere zabrane napuštanja BiH



Na ročištu u Sudu BiH jučer su Zoranu Mamiću, bivšem treneru NK Dinamo, oduzeti dokumenti te su mu određene mjere zabrane. Naloženo mu je da se policiji mora javljati jednom sedmično. Dodajmo da Mamić ima dvojno državljanstvo Bosne i Hercegovine i Hrvatske. On je u Hrvatskoj osuđen na četiri godine i osam mjeseci zatvora, ali se 26. aprila nije javio na izdržavanje kazne, nego je zatražio da provede zatvorsku kaznu u BiH.

/ STR 19.



Zoran Mamić

SIPA uhapsila Mamića

Pripadnici **SIPA** jučer su u Međugorju, po međunarodnoj Interpolovoj potjernici, uhapsili Zorana Mamića, donedavnog trenera NK Dinamo iz Zagreba. U popodnevним časovima u Sudu BiH je održano ročište kojim je predsjedavao sudija Branko Perić.

Sud BiH treba odlučiti o njegovom izručenju, s obzirom na to da Mamić osim hrvatskog ima i državljanstvo BiH.

Podsjećamo, MUP Hrvatske izdao je potjernicu za Zoranom Mamićem nakon što se prije nekoliko dana nije javio na izdržavanje zatvorske kazne od četiri godine i osam mjeseci u Remetincu. Nalog za potjernicu izdao je zagrebački Županijski sud zbog izvlačenja 116 miliona kuna (oko 17 miliona eura) iz NK Dinamo, zloupotrebe položaja, davanja mita i zloupotrebe povjerenja u ekonomskom poslovanju. **D. P.**